



# SLUŽBENE NOVINE OPĆINE KAKANJ

IZDAVAČ:  
Općina Kakanj  
GODINA XX

Broj 9/2016  
Datum: 01.08.2016.  
Akti: 144 -157.

GRAFIČKA PRIPREMA I ŠTAMPA:  
STRUČNA SLUŽBA ZA POSLOVE  
OPĆINSKOG VIJEĆA

144.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće  
Broj: 01/1-246/16  
Kakanj, 28.07.2016. godine

Na osnovu člana 3. stav (1) tačka d), člana 10. stav (2) i člana 49. Zakona o komunalnim djelatnostima („Službene novine Zeničko-dobojskog kantona“, broj: 17/08), člana 15. Zakona o upravljanju i održavanju stambenih i stambeno-poslovnih zgrada („Službene novine Zeničko-dobojskog kantona“, broj: 2/08) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 45. sjednici održanoj 28.07.2016. godine, donijelo je

## ODLUKU

**o izmjeni Odluke o zagrijavanju stambenog i poslovnog prostora u Kaknju daljinskim grijanjem i Uslova za isporuku i preuzimanje toplotne energije iz daljinskog grijanja**

### Član 1.

U članu 48. stav 1. Uslova za isporuku i preuzimanje toplotne energije iz daljinskog grijanja koji su sastavni dio Odluke o zagrijavanju stambenog i poslovnog prostora u Kaknju daljinskim grijanjem – prečišćeni tekst („Službene novine Općine Kakanj“ broj: 2/15), riječi „tri godine“ zamjenjuju se riječima „pet godina“.

### Član 2.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

145.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće  
Broj: 01/1- 247/16  
Kakanj, 28.07.2016. godine

Na osnovu člana 13. stav (2) alineja 9. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. stav (1) tačka 11. Statuta Općine Kakanj („Službene novine Općine Kakanj“, broj: 4/08), Općinsko vijeće na 45. sjednici održanoj 28.07.2016. godine, donijelo je

## ODLUKU

**o utvrđivanju naziva „Park prijateljstva Općine Kakanj i Općine Alijaša“ u Kaknju**

### Član 1.

Ovom Odlukom, u naseljenom mjestu Kakanj – šifra naseljenog mjesta 122 742, tip naselja „G“ u općini Kakanj – šifra općine 10 448, utvrđuje se naziv parka koji glasi:

**„Park prijateljstva Općine Kakanj i Općine Alijaša“.**

### Član 2.

Prostor „Park prijateljstva Općine Kakanj i Općine Alijaša“ obuhvata dio k.č. broj 1249/1 KO Kakanj sa središtem „park“ i sa graničnim obuhvatom ovičenim granicama 10 m od zgrade OO SDA Kakanj, 5 m od puta iznad zgrade OO SDA Kakanj, 18 m od zgrade „Pošte“ i s južne strane 7,5 m od stambenih objekata.

### Član 3.

Označavanje prostora „Park prijateljstva Općine Kakanj i Općine Alijaša“ propisanim tablama veličine 50x30 cm izvršit će Zavod za planiranje i izgradnju općine Kakanj.

**Član 4.**

Sastavni dio ove Odluke je kopija katastarskog plana sa lociranim novoizgrađenim igralištem na lokaciji „Pošta“ u razmjeri 1:500 u analognoj formi.

**Član 5.**

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Slaven Katičić, sr.

146.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

**Općinsko vijeće**

Broj: 01/1-248/16

Kakanj, 28.07.2016. godine

Na osnovu člana 363. stav (1) i (2) Zakona o stvarnim pravima Federacije BiH („Službene novine Federacije BiH“, broj: 66/13 i 100/13), člana 3. i 5. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj: 17/14) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 45. sjednici održanoj 28.07.2016. godine, **donijelo je**

**O D L U K U**

**o načinu i uslovima raspolaganja  
nekretnine - javne prodaje neizgrađenog  
građevinskog zemljišta u Kakanju**

**Član 1.**

Pod uslovima i na način reguliran ovom Odlukom sprovest će se javnim nadmetanjem-licitacijom (u daljem tekstu: licitacija) javna prodaja nekretnina-neizgrađenog građevinskog zemljišta u Kakanju, za parcele označene kao:

- **k.č. br.559/14** zv.“Ul. 27. juli“, dvorište, površine 53 m<sup>2</sup>, k.o.Doboj (novi premjer), što odgovara k.č. broj: 309/14 k.o. Doboj (stari premjer) upisana u zk.ul. br.46, k.o. Doboj državna svojina 1/1, na kojoj je predviđena izgradnja stambeno-poslovnog objekta, a prema uslovima propisanim u Rješenju o načelnoj urbanističkoj saglasnosti, broj:04/1-23-1688/16 od

01.06.2016.godine, (lokacija u Ulici 27. juli u Kakanju, preko puta Autobuske stanice u Kakanju).

- **k.č. br.559/15** zv.“Ul. 27. juli“, dvorište, površine 61 m<sup>2</sup>, k.o.Doboj (novi premjer), što odgovara k.č. broj: 309/15 k.o. Doboj (stari premjer), k.o.Doboj upisana u zk.ul. br.46, k.o. Doboj državna svojina 1/1, na kojoj je predviđena izgradnja stambeno-poslovnog objekta, a prema uslovima propisanim u Rješenju o načelnoj urbanističkoj saglasnosti, broj:04/1-23-1689/16 od 01.06.2016.godine, (lokacija u Ulici 27. juli u Kakanju, preko puta Autobuske stanice u Kakanju).

**Član 2.**

Kriterij za izbor najpovoljnijeg ponuđača jeste najviša ponuđena kupoprodajna cijena za parcelu koja se licitira.

Početna prodajna cijena parcele označene kao k.č.br. 559/14 u članu 1. ove Odluke iznosi **60,00 KM/m<sup>2</sup>**, odnosno ukupno **3.180,00 KM** (slovima: tri hiljade stotinu osamdeset KM, 53 m<sup>2</sup> x 60,00 KM).

Početna prodajna cijena parcele označene kao k.č.br. 559/15 u članu 1. ove Odluke iznosi **60,00 KM/m<sup>2</sup>**, odnosno ukupno **3.660,00 KM** (slovima: tri hiljade šest stotina šezdeset KM, 61 m<sup>2</sup> x 60,00 KM).

Početna prodajna cijena za predmetne parcele utvrđena je od strane sudskog vještaka građevinske struke.

**Član 3.**

Za učešće u postupku licitacije svi učesnici javnog konkursa su dužni uplatiti kaparu, u iznosu od 10 % od početne prodajne cijene parcela označenih u članu 2. ove Odluke, prije početka licitacionog postupka, o čemu će Komisiji podnijeti dokaz o izvršenoj uplati.

Učesniku licitacije čija ponuda bude izabrana kao najpovoljnija uplaćeni iznos će se uračunati u kupoprodajnu cijenu nekretnine.

Ukoliko učesnik licitacije čija ponuda bude izabrana kao najpovoljnija, odustane iz bilo kog razloga od ponude i od zaključenja ugovora o kupoprodaji, gubi pravo na povrat uplaćene kapare.

Učesniku licitacije koji ne bude izabran kao najpovoljniji izvršit će se povrat uplaćene kapare.

Pravne i fizičke osobe koje nisu položile određenu kaparu ne učestvuju u licitaciji.

Svaki učesnik je dužan uplatiti iznos od 100,00 KM po parceli, na račun Budžeta Općine Kakanj, s naznakom „naknada za troškove postupka

licitacije parcela k.č.br. \_\_\_\_\_ k.o. Doboj". Ova naknada se ne vraća učesnicima licitacije.

#### Član 4.

Kupoprodajnu cijenu izlicitirane nekretnine učesnik licitacije koji je proglašen najuspješnijim, sa kojim će se zaključiti ugovor o kupoprodaji, obavezan je uplatiti u roku od 15 dana od dana potpisivanja ugovora o kupoprodaji na račun Budžeta Općine Kakanj broj:134-020-00003708-49, vrsta prihoda 722431, šifra općine 043, kod Investiciono-komercijalne banke d.d. Zenica.

Predaja nekretnine u posjed kupcu izvršit će se nakon isplate cjelokupnog iznosa kupoprodajne cijene.

#### Član 5.

Postupak licitacije nekretnina, označenih u članu 1. ove Odluke, provest će Komisija za provođenje javnog nadmetanja-licitacije za prodaju nekretnina koju će imenovati Općinsko vijeće, u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj: 17/14), ovom Odlukom i Javnim konkursom o prodaji nekretnine-građevinskog zemljišta u Kaknju, koji će se objaviti u sredstvima javnog informisanja i dostaviti Komisiji.

#### Član 6.

Ovlašćuje se Općinski načelnik da objavi Javni konkurs o prodaji nekretnina, označenih u članu 1. ove Odluke, u jednom dnevnom listu koji se izdaje u Federaciji BiH, na oglasnoj tabli Općine Kakanj i na internet stranici Općine Kakanj [www.kakanj.gov.ba](http://www.kakanj.gov.ba).

Učesnik Javnog konkursa može konkurisati samo sa jednom ponudom za određenu lokaciju.

Učesnik Javnog konkursa može konkurisati posebnom ponudom za jednu ili obe lokacije.

Licitiranje ponuda vršit će se posebno za svaku lokaciju, tako da je učesnik Javnog konkursa dužan za svaku lokaciju priložiti odvojenu ponudu.

#### Član 7.

Ovlašćuje se Općinski načelnik da po okončanju licitacionog postupka sa najuspješnijim ponuđačem ili ponuđačima, zaključi notarski obrađen ugovor o kupoprodaji nekretnina, označenih u članu 1. ove Odluke, po prethodno pribavljenom mišljenju Općinskog pravobranioca.

#### Član 8.

Troškove izrade notarske obrade ugovora o kupoprodaji, poreza na promet nekretnine, takse za uknjižbu i sve ostale troškove koji se odnose na postupak kupoprodaje snosi kupac ili kupci.

#### Član 9.

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

147.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

**Općinsko vijeće**

Broj: 01/1-250/16

Datum: 28.07. 2016.godine

Na osnovu člana 363. stav (1) i (2) Zakona o stvarnim pravima Federacije BiH („Službene novine Federacije BiH“, broj:66/13 i 100/13), člana 3. i 5. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj: 17/14) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na 45. sjednici održanoj dana 28.07. 2016.godine donijelo

### O D L U K U

**o načinu i uslovima raspolaganja  
nekretninama - javne prodaje neizgrađenog  
građevinskog zemljišta u  
Poduzetničkoj zoni "Vrtlište"**

#### Član 1.

Pod uslovima i na način reguliran ovom Odlukom sprovest će se javnim nadmetanjem-licitacijom (u daljem tekstu:licitacija) javna prodaja nekretnina-neizgrađenog građevinskog zemljišta u Kaknju, za parcelu označenu kao:

- **k.č.br.1966/18** gradilište " Površinski kop" u površini 3076 m<sup>2</sup>, k.o. Vrtlište (novi premjer), kojoj odgovara k.č. br. 55/43 k.o. Karaula (stari premjer) upisana u zk.ul.br.18, državna

svojina 1/1, na kojoj je predviđena izgradnja parking prostora otvorenog tipa sa portirnicom u Poduzetničkoj zoni, "Vrtlište", a prema uslovima propisanim u Rješenju o načelnoj urbanističkoj saglasnosti, broj:04/1-23-2181/16 od 18.07.2016.godine.

### **Član 2.**

Kriterij za izbor najpovoljnijeg ponuđača jeste najviša ponuđena kupoprodajna cijena za parcelu koja se licitira.

Početna prodajna cijena parcele, označene u članu 1. ove Odluke, iznosi **12,00 KM/m<sup>2</sup>**, odnosno ukupno **36.912,00 KM** (slovima: trideset šest hiljada devetsto dvanaest KM; 3076 m<sup>2</sup> x 12,00 KM).

Početna prodajna cijena za predmetnu parcele utvrđena je od strane sudskog vještaka građevinske struke.

### **Član 3.**

Za učešće u postupku licitacije svi učesnici javnog konkursa su dužni uplatiti kaparu, u iznosu od 10 % od početne prodajne cijene parcele označene u članu 1. ove Odluke, prije početka licitacionog postupka, o čemu će Komisiji podnijeti dokaz o izvršenoj uplati.

Učesniku licitacije, čija ponuda bude izabrana kao najpovoljnija, uplaćeni iznos će se uračunati u kupoprodajnu cijenu nekretnine.

Ukoliko učesnik licitacije, čija ponuda bude izabrana kao najpovoljnija, odustane iz bilo kog razloga od ponude i od zaključenja ugovora o kupoprodaji, gubi pravo na povrat uplaćene kapare.

Učesniku licitacije, koji ne bude izabran kao najpovoljniji, izvršit će se povrat uplaćene kapare.

Pravne i fizičke osobe, koje nisu položile određenu kaparu, ne učestvuju u licitaciji.

Svaki učesnik je dužan uplatiti iznos od 100,00 KM na račun Budžeta općine Kakanj, s naznakom „Naknada za troškove postupka licitacije parcele k.č.br. 1966/18, k.o.Vrtlište“. Ova naknada se ne vraća učesnicima licitacije.

### **Član 4.**

Kupoprodajnu cijenu izlicitirane nekretnine učesnik licitacije, koji je proglašen najuspješnijim, sa kojim će se zaključiti ugovor o kupoprodaji, obavezan je uplatiti u roku od 15 dana od dana potpisivanja ugovora o kupoprodaji na račun Budžeta Općine Kakanj broj:134-020-00003708-49, vrsta prihoda 722431, šifra općine 043, kod Investiciono-komercijalne banke d.d. Zenica.

Predaja nekretnine u posjed kupcu izvršit će se nakon isplate cjelokupnog iznosa kupoprodajne cijene.

### **Član 5.**

Postupak licitacije nekretnine, označene u članu 1. ove Odluke, provest će Komisija za provođenje javnog nadmetanja-licitacije za prodaju nekretnina, koju će imenovati Općinsko vijeće u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova, ovom Odlukom i Javnim konkursom o prodaji nekretnine-građevinskog zemljišta u Kakanju, koji će se objaviti u sredstvima javnog informiranja i dostaviti Komisiji.

### **Član 6.**

Ovlašćuje se Općinski načelnik da objavi Javni konkurs o prodaji nekretnine, označene u članu 1. ove Odluke, u jednom dnevnom listu koji se izdaje u Federaciji BiH, na oglasnoj tabli Općine Kakanj i na internet stranici Općine Kakanj [www.kakanj.gov.ba](http://www.kakanj.gov.ba).

Učesnik Javnog konkursa može konkurisati samo sa jednom ponudom za ponuđenu lokaciju.

### **Član 7.**

Ovlašćuje se Općinski načelnik da, po okončanju licitacionog postupka sa najuspješnijim ponuđačem, zaključi notarski obrađen ugovor o kupoprodaji nekretnine, označene u članu 1. ove Odluke, po prethodno pribavljenom mišljenju Općinskog pravobranioca.

### **Član 8.**

Troškove izrade notarske obrade ugovora o kupoprodaji, poreza na promet nekretnine, takse za uknjižbu i sve ostale troškove koji se odnose na postupak kupoprodaje snosi kupac.

### **Član 9.**

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj"

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**148.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**  
**Općinsko vijeće**

Broj: 01/1-252/16

Datum: 28.07. 2016. godine

Na osnovu člana 363. stav (3) tačka 3) Zakona o stvarnim pravima („Službene novine Federacije BiH“, broj: 66/13 i 100/13), člana 4. stav (1) tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj:17/14) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na svojoj 45. sjednici održanoj dana 28.07. 2016. godine, donijelo

**O D L U K U**

**o načinu i uslovima raspolaganja  
 nekretninom - prodaji neposrednom  
 pogodbom neizgrađenog građevinskog  
 zemljišta u Doboju**

**Član 1.**

Ovom Odlukom odobrava se kupcu JP „Elektroprivreda BiH“ d.d Sarajevo, Podružnica „Elektrodistribucija“ Zenica prodaja neposrednom pogodbom neizgrađenog građevinskog zemljišta u Doboju, označenog kao k.č.br. 1173/4 livada IV kl.„Luka“ u površini 115 m<sup>2</sup>, k.o. Doboj, u posjedu D.S. Skupština opštine Kakanj, sa dijelom 1/1 (novi premjer), što odgovara parceli k.č.br. 2/414, k.o.Doboj, upisana u z.k.ul.br. 1498, državna svojina 1/1 (stari premjer), u svrhu izgradnje trafostanice-priključnog KB 10(20) kV,KBTS 10(20)/0,4 kV,250 kVA „Doboj park“ za priključak objekta Muški internat „Turk Bošnjak“.

**Član 2.**

Cijena zemljišta označenog u članu 1. ove Odluke iznosi 60,00 KM/m<sup>2</sup>, tako da ukupna kupoprodajna cijena za predmetno zemljište iznosi 6.900,00 KM (slovima: šest hiljada i devetsto KM).

Prodajna cijena za predmetnu nekretninu-zemljište utvrđena je od strane sudskog vještaka građevinske struke.

**Član 3.**

Kupoprodajnu cijenu predmetne nekretnine JP „Elektroprivreda BiH“ d.d Sarajevo, Podružnica „Elektrodistribucija“ Zenica, sa kojom će se zaključiti ugovor o kupoprodaji, obavezna je uplatiti u roku od 15 dana od dana potpisivanja ugovora o kupoprodaji, na račun Budžeta Općine Kakanj broj:134-020-00003708-49, vrsta prihoda 722431, šifra općine 043, kod Investiciono-komercijalne banke d.d. Zenica.

Predaja nekretnine u posjed kupcu izvršit će se nakon isplate cjelokupnog iznosa kupoprodajne cijene.

**Član 4.**

Ovlašćuje se Općinski načelnik da može sa kupcem, u ime Općine Kakanj zaključiti notarski obrađen ugovor o kupoprodaji nekretnine, označene u članu 1. ove Odluke, po prethodno pribavljenom mišljenju općinskog pravobranioca.

**Član 5.**

Troškove izrade notarske obrade ugovora o kupoprodaji, poreza na promet nekretnine, takse za provođenje i uknjižbu ugovora, te sve ostale troškove koji se odnose na postupak kupoprodaje snosi kupac JP „Elektroprivreda BiH“ d.d Sarajevo, Podružnica „Elektrodistribucija“ Zenica.

**Član 6.**

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

**PREDSJEDAVAJUĆI  
 OPĆINSKOG VIJEĆA**

Slaven Katičić, sr.

**149.**

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**  
**Općinsko vijeće**

Broj: 01/1-253/16

Datum: 28.07. 2016. godine

Na osnovu člana 363. stav (4) Zakona o stvarnim pravima („Službene novine Federacije BiH“, broj: 66/13 i 100/13), člana 4. stav (1) tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj:17/14) i

člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na svojoj 45. sjednici održanoj dana 28.07. 2016. godine, donijelo

**O D L U K U**  
**o načinu i uslovima raspolaganja**  
**nekretninom – zamjena zemljišta sa**  
**„Delta petrol“ d.o.o. Kakanj**

**Član 1.**

Ovom Odlukom odobrava se zamjena neizgrađenog gradskog građevinskog zemljišta u Kakanju između „Delta petrol“ d.o.o. Kakanj i Općine Kakanj, u cilju razvijanja privrede na području Općine, te privođenja trajnoj namjeni neizgrađenog gradskog zemljišta, označenog u članu 2. ove Odluke.

**Član 2.**

„Delta petrol“ d.o.o. Kakanj daje u zamjenu parcele označene kao k.č.br. 1966/22 ostalo neplodno zemljište „Površinski kop“ u površini 1.132 m<sup>2</sup>, k.o.Vrtlište (novi premjer), što odgovara parceli k.č.br. 55/47, k.o. Karaula, (stari premjer) i k.č.br. 1966/23 ostalo neplodno zemljište „Površinski kop“ u površini 31 m<sup>2</sup>, k.o.Vrtlište, (novi premjer), što odgovara parceli k.č.br. 55/48, k.o. Karaula (stari premjer), obe u posjedu i vlasništvu „Delta petrol“ d.o.o. Kakanj sa dijelom 1/1.

Općina Kakanj daje u zamjenu parcele označene kao k.č.br. 1966/19 gradilište „Površinski kop“ u površini 575 m<sup>2</sup>, k.o.Vrtlište (novi premjer), što odgovara parceli k.č.br. 55/44, k.o. Karaula (stari premjer), k.č.br. 1966/20 ostalo neplodno zemljište „Površinski kop“ u površini 70 m<sup>2</sup>, k.o.Vrtlište (novi premjer), što odgovara parceli k.č.br. 55/45, k.o. Karaula (stari premjer) i k.č.br. 1966/21 ostalo neplodno zemljište „Površinski kop“ u površini 29 m<sup>2</sup>, k.o.Vrtlište, (novi premjer), što odgovara parceli k.č.br. 55/46, k.o. Karaula (stari premjer), sve u posjedu i vlasništvu Općine Kakanj sa dijelom 1/1.

**Član 3.**

Prodajna cijena parcela, vlasništvo „Delta petrola“ d.o.o. Kakanj, označenih kao k.č.br. 1966/22 i 1966/23 iznosi 4,00 KM/m<sup>2</sup>, odnosno ukupno 4.652,00 KM (slovima: četiri hiljade šesto pedeset dvije KM; 1.163 m<sup>2</sup> x 4,00 KM).

Prodajna cijena parcele, vlasništvo Općine Kakanj, označene kao k.č.br. 1966/19 iznosi 12,00 KM/m<sup>2</sup>, odnosno ukupno 6.900,00 KM

(slovima: šest hiljada devetsto KM; 575 m<sup>2</sup> x 12,00 KM), a prodajna cijena parcela k.č.br.1966/20 i k.č.br.1966/21 iznosi 4,00 KM/m<sup>2</sup> odnosno ukupno 396,00 KM (slovima: tristo devedeset šest KM; 70+29 m<sup>2</sup> x 4,00 KM).

Prodajna cijena za predmetne parcele utvrđena je od strane sudskog vještaka građevinske struke.

**Član 4.**

„Delta petrol“ d.o.o. Kakanj i Općina Kakanj će zaključiti ugovor o zamjeni nekretnina kod notara. Predaja nekretnina izvršit će se u roku od 15 dana, od dana uplate razlike cijene parcela u ukupnom iznosu od 2.644,00 KM (slovima: dvije hiljade šesto četrdeset četiri KM), koje je „Delta petrol“ d.o.o. Kakanj dužna uplatiti na račun Budžeta Općine Kakanj broj:134-020-00003708-49, vrsta prihoda 722431, šifra općine 043, kod Investiciono-komercijalne banke d.d. Zenica.

**Član 5.**

Ovlašćuje se Općinski načelnik da može sa „Delta petrol“ d.o.o. Kakanj, u ime Općine Kakanj, zaključiti notarski obrađen ugovor o zamjeni nekretnina, označenih u članu 2. ove Odluke, po prethodno pribavljenom mišljenju općinskog pravobranioca.

**Član 6.**

Troškove izrade notarske obrade ugovora o zamjeni nekretnina, poreza na promet nekretnina, takse za provođenje i uknjižbu ugovora, te sve ostale troškove, koji se odnose na postupak kupoprodaje, snosi „Delta petrol“ d.o.o. Kakanj.

**Član 7.**

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

**PREDSJEDAVALAČI**  
**OPĆINSKOG VIJEĆA**  
Slaven Katičić, sr.

150.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-254/16

Datum: 28.07. 2016. godine

Na osnovu člana 363. stav (4) Zakona o stvarnim pravima („Službene novine Federacije BiH“, broj:

66/13 i 100/13), člana 4. stav (1) tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj:17/14) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na svojoj 45. sjednici održanoj 28.07. 2016. godine donijelo

**O D L U K U**  
**o načinu i uslovima raspolaganja**  
**nekretninom –zamjena zemljišta sa**  
**Tvornicom cementa Kakanj**

**Član 1.**

Ovom Odlukom odobrava se zamjena neizgrađenog gradskog građevinskog zemljišta u Kakanju između Tvornice cementa Kakanj i Općine Kakanj, u cilju razvijanja privrede na području Općine, te privođenja trajnoj namjeni neizgrađenog gradskog zemljišta, označenog u članu 2. ove Odluke.

**Član 2.**

Tvornica cementa Kakanj daje u zamjenu parcelu označenu kao k.č.br. 1798/4, nastala od k.č.br. 1798/2, dvorište „Krug tvornice“ u površini 2.552 m<sup>2</sup>, k.o. Doboj, u posjedu Tvornice cementa Kakanj, sa dijelom 1/1 (novi premjer), što odgovara parceli k.č.br. 781/18, nastala od k.č.br. 781/3, k.o.Doboj, upisana u z.k.ul.br. 310, vlasništvo Tvornice cementa d.d. Kakanj sa dijelom 1/1 (stari premjer).

Općina Kakanj daje u zamjenu parcelu označenu kao k.č.br. 1790/2 ostalo neprodno zemljište „Industrijska pruga“ u površini 3.403 m<sup>2</sup>, k.o. Doboj, u posjedu D.S. Skupština opštine Kakanj, sa dijelom 1/1 (novi premjer), što odgovara parceli k.č.br. 818/1, k.o.Doboj, upisana u z.k.ul.br. 46, državna svojina 1/1 (stari premjer).

**Član 3.**

Procjenu nekretnina, navedenih u članu 2. ove Odluke, izvršio je vještak građevinske struke, tako što je 1 m<sup>2</sup> parcele, vlasništvo Tvornice cementa procijenio na 80,00 KM, a 1 m<sup>2</sup> parcele, vlasništvo Općine, procijenio na 60,00 KM, te je zamjenom veće površine za manju postignuta približno ista vrijednost nekretnina.

**Član 4.**

Tvornica cementa Kakanj i Općina Kakanj će zaključiti ugovor o zamjeni nekretnina kod notara, nakon dostavljanja saglasnosti od strane Tvornice

cementa na zamjenu i parcelaciju predmetnih nekretnina. Predaja nekretnina izvršit će se u roku od sedam dana, od dana potpisivanja ugovora.

**Član 5.**

Ovlašćuje se Općinski načelnik da može sa Tvornicom cementa, u ime Općine Kakanj, zaključiti notarski obrađen ugovor o zamjeni nekretnina, označenih u članu 2. ove Odluke, po prethodno pribavljenom mišljenju općinskog pravobranioca.

**Član 6.**

Troškove izrade notarske obrade ugovora o zamjeni nekretnina, poreza na promet nekretnina, takse za provođenje i uknjižbu ugovora, te sve ostale troškove koji se odnose na postupak kupoprodaje snosi Općina Kakanj.

**Član 7.**

Ova Odluka stupa na snagu danom donošenja, a naknadno će se objaviti u "Službenim novinama općine Kakanj".

**PREDSJEDAVAJUĆI**  
**OPĆINSKOG VIJEĆA**

Slaven Katičić, sr.

151.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-255/16

Datum: 28.07. 2016. godine

Na osnovu člana 6.stav (2) Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08, 22/09 i 109/12) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće je na 45. sjednici održanoj 28.07.2016. godine donijelo

**O D L U K U**

**o usvajanju Izvještaja o poslovanju JP**  
**„Vodokom“ d.o.o. Kakanj sa finansijskim**  
**izvještajem i Izvještajem vanjskog revizora**  
**za 2015. godinu**

**Član 1.**

Ovom Odlukom usvaja se Izvještaj o poslovanju Javnog preduzeća „Vodokom“

d.o.o.Kakanj sa finansijskim izvještajem i izvještajem vanjskog revizora za 2015.godinu.

**Član 2.**

Sastavni dio ove Odluke je Izvještaj o poslovanju Javnog preduzeća „Vodokom“ d.o.o.Kakanj sa finansijskim izvještajem i izvještajem vanjskog revizora za 2015.godinu.

**Član 3.**

Ova Odluka stupa na snagu narednog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**152.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

Broj: 01/1-256/16

Datum: 28.07. 2016. godine

Na osnovu člana 6.stav (2) Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08, 22/09 i 109/12) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće je na 45. sjednici održanoj 28.07.2016. godine donijelo

**O D L U K U**

**o usvajanju Izvještaja o poslovanju JP  
„Grijanje“ d.o.o. Kakanj  
sa finansijskim izvještajem i izvještajem  
vanjskog revizora za 2015. godinu**

**Član 1.**

Ovom Odlukom usvaja se Izvještaj o poslovanju Javnog preduzeća „Grijanje“ d.o.o.Kakanj sa finansijskim izvještajem i izvještajem vanjskog revizora za 2015.godinu.

**Član 2.**

Sastavni dio ove Odluke je Izvještaj o poslovanju Javnog preduzeća „Grijanje“ d.o.o.Kakanj sa finansijskim izvještajem i izvještajem vanjskog revizora za 2015.godinu.

**Član 3.**

Ova Odluka stupa na snagu narednog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**153.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

**Općinsko vijeće**

Broj: 01/1-257/16

Datum: 28.07. 2016. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na 45. sjednici održanoj 28.07.2016. godine donijelo

**O D L U K U**

**o usvajanju Izvještaja o radu Komisije za  
provođenje procedure izbora volontera i  
poslodavaca**

**Član 1.**

Ovom Odlukom usvaja se Izvještaj o radu Komisije za provođenje procedure izbora volontera i poslodavaca koja je imenovana Rješenjem Općinskog vijeća, broj: 01/1-89/16 od 29.02.2016. godine i Rješenjem Općinskog načelnika, broj 02/1-957/16 od 02.03.2016. godine.

**Član 2.**

Sastavni dio ove Odluke je Izvještaj o radu Komisije za provođenje procedure izbora volontera i poslodavaca, broj 01/1-90-29/2016 od 04.07.2016. godine.

**Član 3.**

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.



**154.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-259/16

Datum: 28.07. 2016. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće je na 45. sjednici održanoj 28.07.2016. godine donijelo

**O D L U K U**

**o usvajanju Izvještaja o radu Komisije za  
 provođenje javnog nadmetanja – licitacije  
 neizgrađenog građevinskog zemljišta u  
 Kaknju**

**Član 1.**

Ovom Odlukom usvaja se Izvještaj o radu Komisije za provođenje javnog nadmetanja – licitacije neizgrađenog građevinskog zemljišta u Kaknju koja je imenovana Rješenjem Općinskog vijeća, broj: 01/1-226/16 od 30.06.2016. godine.

**Član 2.**

Sastavni dio ove Odluke je Izvještaj o radu Komisije za provođenje javnog nadmetanja – licitacije neizgrađenog građevinskog zemljišta u Kaknju od 27.07.2016. godine.

**Član 3.**

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI  
 OPĆINSKOG VIJEĆA**

Slaven Katičić, sr.

**155.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-261/16

Datum: 28.07. 2016. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08),

člana 96. i člana 106. stav 2. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće je na 45. sjednici održanoj 28.07.2016. godine donijelo

**Z A K L J U Č A K**

**o prihvatanju inicijative vijećnika Safeta  
 Šahmana**

**Član 1.**

Prihvata se inicijativa vijećnika Safeta Šahmana: „Da se u Zakonu o vodama Zeničko – dobojskog kantona („Službene novine ZDK“, broj: 17/07) u članu 115. doda novi stav koji bi glasio: „Vlasnici mjesnog vodovoda mogu se prije obraćanja sudu, obratiti nadležnom vodnom inspektor u slučaju nepoštivanja odredbi ugovora od strane pojedinog korisnika. Također, da se član 142. stav 1. tačka 22. navedenog Zakona dopuni sa slijedećim tekstom: „Ne izvršava odredbe ugovora u skladu sa članom 115. stav 3,4,5. i 6.“

**Član 2.**

Inicijativa će se dostaviti Skupštini Zeničko-dobojskog kantona na dalje postupanje.

**Član 3.**

Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVALAČI  
 OPĆINSKOG VIJEĆA**

Slaven Katičić, sr.

**156.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-249/16

Datum: 28.07. 2016. godine

Na osnovu člana 9. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH“, broj: 17/14) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 45. sjednici održanoj 28.07.2016. godine, donijelo je

**R J E Š E N J E**  
**o imenovanju Komisije za provođenje**  
**javnog nadmetanja - licitacije neizgrađenog**  
**građevinskog zemljišta u Kaknju**

**Član 1.**

Imenuje se Komisija za provođenje javnog nadmetanja-licitacije, javne prodaje neizgrađenog građevinskog zemljišta u Kaknju, za parcele označene kao:

- **k.č.br.559/14** zv.“Ul. 27 juli“, dvorište, površine 53 m<sup>2</sup>, k.o.Doboj (novi premjer), što odgovara k.č. broj: 309/14 k.o. Doboj (stari premjer) upisana u zk.ul.br.46, k.o. Doboj državna svojina 1/1, na kojoj je predviđena izgradnja stambeno - poslovnog objekta, a prema uslovima propisanim u Rješenju o načelnoj urbanističkoj saglasnosti, broj:04/1-23-1688/16 od 01.06.2016.godine, (lokacija u Ulici 27. juli u Kaknju, preko puta Autobuske stanice u Kaknju).

- **k.č.br.559/15** zv.“Ul. 27 juli“, dvorište, površine 61 m<sup>2</sup>, k.o.Doboj (novi premjer), što odgovara k.č. broj: 309/15 k.o. Doboj (stari premjer), k.o.Doboj upisana u zk.ul.br.46, k.o. Doboj državna svojina 1/1, na kojoj je predviđena izgradnja stambeno - poslovnog objekta, a prema uslovima propisanim u Rješenju o načelnoj urbanističkoj saglasnosti, broj:04/1-23-1689/16 od 01.06.2016.godine, (lokacija u Ulici 27. juli u Kaknju, preko puta Autobuske stanice u Kaknju).

**Član 2.**

U Komisiju se imenuju slijedeća lica:

1. Amra Mašić - predsjednica Komisije,
2. Huso Lihović - član,
3. Ivica Petrović - član,
4. Faruk Hadžić - član,
5. Amina Hadžić - član,
6. Eldin Mijoč – član, i
7. Elvedin Gačić – član.

**Član 3.**

Komisija za provođenje javnog nadmetanja-licitacije, javne prodaje neizgrađenog građevinskog zemljišta u Kaknju, ima zadatak da postupak licitacije nekretnine označene u članu 1. ovog Rješenja provede u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine F BiH“, br.17/14), Odluke Općinskog vijeća o načinu i uslovima raspolaganja nekretnine - javne prodaje

neizgrađenog građevinskog zemljišta u Kaknju broj:01/1-248/16 od 28.07.2016.godine i Javnim konkursom o prodaji nekretnine - građevinskog zemljišta u Kaknju, koji će se objaviti u sredstvima javnog informisanja i dostaviti Komisiji.

**Član 4.**

Komisija za provođenje javnog nadmetanja - licitacije o postupku licitacije vodi zapisnik u koji se unosi cijeli tok postupka i sve ponude stavljene od pojedinih učesnika, kao i stavljene prigovore.

Nakon okončanja postupka licitacije Komisija je obavezna svu dokumentaciju vezanu za provedeni postupak licitacije dostaviti Službi za imovinskopravne, geodetske poslove i katastar nekretnina.

**Član 5.**

Komisija za provođenje javnog nadmetanja - licitacije za svoj rad odgovorna je Općinskom vijeću, kojem podnosi Izvještaj o provedenom postupku.

**Član 6.**

Ovo Rješenje stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI**  
**OPĆINSKOG VIJEĆA**

Slaven Katičić, sr.

157.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**

**Općinsko vijeće**

Broj: 01/1-251/16

Datum: 28.07. 2016. godine

Na osnovu člana 9. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine F BiH“, broj:17/14) i člana 24. Statuta Općine Kakanj („Službene novine Općine Kakanj“, broj:4/08) Općinsko vijeće je na 45. sjednici održanoj dana 28.07.2016.godine donijelo

**R J E Š E N J E**

**o imenovanju Komisije za provođenje javnog**  
**nadmetanja - licitacije neizgrađenog**  
**građevinskog zemljišta u Poduzetničkoj zoni**  
**„Vrtlište“**

**Član 1.**

Imenuje se Komisija za provođenje javnog nadmetanja-licitacije, javne prodaje neizgrađenog građevinskog zemljišta u Kakanju, za parcelu označenu kao:

- **k.č.br.1966/18** zv. „Površinski kop“, gradilište, površine 3076 m<sup>2</sup>, k.o.Vrtlište (novi premjer), što odgovara k.č. broj: 55/43 k.o. Karaula (stari premjer) upisana u zk.ul.br. 18, državna svojina 1/1, na kojoj je predviđena izgradnja parking prostora otvorenog tipa sa portirnicom, a prema uslovima propisanim u Rješenju o načelnoj urbanističkoj saglasnosti, broj:04/1-23-2181/16 od 18.07.2016.godine, (lokacija Poduzetnička zona „Vrtlište“).

**Član 2.**

U Komisiju se imenuju slijedeća lica:

1. Slaven Katičić – predsjednik Komisije,
2. Sanel Alić – član,
3. Emir Mehinović – član,
4. Dženita Kurešepi – član,
5. Amel Merdić – član,
6. Zahida Zaimović – član, i
7. Safet Šahman – član.

**Član 3.**

Komisija za provođenje javnog nadmetanja-licitacije, javne prodaje neizgrađenog građevinskog zemljišta u Kakanju, ima zadatak da postupak licitacije nekretnine označene u članu 1. ovog Rješenja, provede u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova, Odluke Općinskog vijeća o načinu i uslovima raspolaganja nekretnine - javne prodaje neizgrađenog građevinskog zemljišta u Kakanju broj:01/1-250/16 od 28.07.2016.g. i Javnim konkursom o prodaji nekretnine - građevinskog zemljišta u Poduzetničkoj zoni „Vrtlište“ u Kakanju, koji će se objaviti u sredstvima javnog informiranja i dostaviti Komisiji.

**Član 4.**

Komisija za provođenje javnog nadmetanja - licitacije o postupku licitacije vodi zapisnik, u koji se unosi cijeli tok postupka i sve ponude stavljene od pojedinih učesnika, kao i stavljene prigovore.

Nakon okončanja postupka licitacije Komisija je obavezna svu dokumentaciju, vezanu za provedeni postupak licitacije, dostaviti Službi za

imovinskopravne, geodetske poslove i katastar nekretnina.

**Član 5.**

Komisija za provođenje javnog nadmetanja - licitacije za svoj rad odgovorna je Općinskom vijeću kojem podnosi Izvještaj o provedenom postupku.

**Član 6.**

Ovo Rješenje stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

**S A D R Ž A J**  
**„Službenih novina Općine Kakanj“ 9/16**

144. Odluka o izmjeni Odluke o zagrijavanju stambenog i poslovnog prostora u Kaknju daljinskim grijanjem i Uslova za isporuku i preuzimanje toplotne energije iz daljinskog grijanja .....	1
145. Odluka o utvrđivanju naziva „Park prijateljstva Općine Kakanj i Općine Aliaga u Kaknju.....	1
146. Odluka o načinu i uslovima raspolaganja nekretnine – javne prodaje neizgrađenog građevinskog zemljišta u Kaknju .....	2
147. Odluka o načinu i uslovima raspolaganja nekretnine-javne prodaje neizgrađenog građevinskog zemljišta u Poduzetničkoj zoni „Vrtlište“ .....	3
148. Odluka o načinu i uslovima raspolaganja nekretninom – prodaji neposrednom pogodbom neizgrađenog građevinskog zemljišta u Doboju .....	5
149. Odluka o načinu i uslovima raspolaganja nekretninom – zamjena zemljišta sa „Delta-petrol“ d.o.o. Kakanj.....	5
150. Odluka o načinu i uslovima raspolaganja nekretninom – zamjena zemljišta sa Tvornicom cementa Kakanj .....	6
151. Odluka o usvajanju Izvještaja o poslovanju JP „Vodokom“ d.o.o Kakanj sa finansijskim izvještajem i Izvještajem vanjskog revizora za 2015. godinu.....	7
152. Odluka o usvajanju Izvještaja o poslovanju JP „Grijanje“ d.o.o Kakanj sa finansijskim izvještajem i Izvještajem vanjskog revizora za 2015. godinu.....	8
153. Odluka o usvajanju Izvještaja o radu Komisije za provođenje procedure izbora volontera i poslodavaca.....	8
154. Odluka o usvajanju Izvještaja o radu Komisije za provođenje javnog nadmetanja - licitacije Neizgrađenog građevinskog zemljišta u Kaknju .....	9
155. Zaključak o prihvatanju inicijative vijećnika Safeta Šahmana.....	9
156. Rješenje o imenovanju Komisije za provođenje javnog nadmetanja – licitacije neizgrađenog građevinskog zemljišta u Kaknju .....	9
157. Rješenje o imenovanju Komisije za provođenje javnog nadmetanja – licitacije neizgrađenog građevinskog zemljišta u Poduzetničkoj zoni „Vrtlište“.....	10